

Powšitkowne WOZJEWJENJA

njedźelu, 12. awgusta 2012

Pytaja młodžinskeho referenta

Za dekanatne dušepastyrstwo młodžiny we Worklecach ma so 1. oktobra referent respektiwnje referentka ze socialnopedagogiskej abo teologiskej kwalifikaciju přistajić. Wuměnjeni stej wobknježenje serbskeje rěče a přezjednosć z nadawkom, službu a žiwjenjom katolskeje cyrkwy. Džělowe městno je w Don Boskowym domje we Worklecach. Zrěčenje je na dvě lěće wobmjezowane. Pisomne požadanja přijimuje hač do srjedy, 15. awgusta, biskopski ordinariat, wotřad młodžinska pastoralka, Käthe-Kollwitz-Ufer 84, 01309 Drježdžany abo z mailku na jugendseelsorge@ordinariat-dresden.de.

Serbskej twórbje w Drježdžanach

W Drježdžanskej cyrkwi Našeje knjenje zaklinčitej njedźelu, 19. awgusta, serbskej twórbje – na Božej službje w 11 hodź. Jana Bulankowa „Missa sorabica“ a w 15 hodź. wurězki z oratorija „Nalěčo“ wot Handrija Zejlerja a Korle Awgusta Kocora. Wšitcy su wutrobnje do sakskeje stolicy přeprošeni.

Zelowy swjedžen w Klóštrje

W klóšterskej zahrodze w Pančicach-Kukowje je njedźelu, 19. awgusta, tradicionalny zelowy swjedžen. Ekumeniski nyšpor w 14.30 hodź, na kotrymž so zelowe kwěćele požohnuja, změjjetaj Kulowski farar dr. Wolfgang Křesák a wyši cyrkwiniski rada Martin Lerchner z Drježdžan. Nyšporej přizamknje so koncert serbskeho muskeho kwarteta „Po štyrjoch“ a Drježdžanskeje skupiny „Blue Alley“. Tež zelowe wiki so přewjedu.

Putniska jězba do Fatimy a Santiago de Compostela

Wot pónđzele do pónđzele, 10. do 17. septembra, wotměje so putniska jězba do Fatimy a Santiago de Compostela (z lětađlom a busom). Někotre městna za tute putnikowanje su hišće swobodne, tak zo móža so zajimcy hišće hač do srjedy, 15. awgusta, přizjewić. Dalše informacije poda a přizjewjenja přijimuje Matthias Hadank z Hórkow, Sydlišćowcy puć 2, telefonowe čisło (03 57 96) 9 40 37.

Wujednać so, hdyž maš chorość a smjerć před wočomaj

Ambulantna hospicna služba Carity přeprošuje wšitkich zajimcow na přednošk k temje „... a potom so zaso znjesemy?“ – wo wujednanju, hdyž maš chorość a smjerć před wočomaj – pónđzele, 3. septembra, we 18 hodź. w ewangelskej wosadnicy na Angeru/Poľčničanskej dróze w Kamjencu. Přednošować budže něhdyša dušepastyrka w Kamjenskej chorowni swjateho Jana, Anne Kruse.

Porjad njedźelných Božich službow w serbskich wosadach

wosada	sobotu	njedźelu
Bačoń		7.00 n; 9.00 s; 1.: 7.00 s; 9.00 n 14.00 ny/s - nic w jan., jul. a awgusće
Smochćicy		10.30 n
Budyšin		
Tachantska cyrkej		8.30 n
Našeje lubeje knjenje	18.00 n	9.30 s; 10.45 n; 3.: 14.00 ny/s
klóšterk		7.30 n; 10.15 p; 17.00 ny/n
Huska		8.00 n
Chróscicy	18.30 s	7.00 s; 9.00 s; 10.30 n; 14.00 ny/s
Pančicy-Kukow		7.30 s; 9.00 ł/n; 10.30 n; 14.00 ró/n; 14.30 ny/n (dwutydź.)
Worklecy		9.00 n; 10.30 s; 14.00 ró/s; 14.30 ny/n
Dom swjateje Ludmile		10.00 s
Kulow		6.00 s; 7.00 n; 8.30 s; 10.00 n 18.00 n; 3.: 14.00 ny/s
starownja		8.30 n
Njedźichow		9.00 n
Njebjelčicy	18.30 1.+3.+5. s 2.+4. n	9.00 s 1.+3.+5. ny/s – w oktobru stajnje, nic w juliju a awgusće
Radwor		9.00 s; 10.30 n; 14.00 ny/s
Zdźěr		7.30 1.+3.+5. s; 2.+4. n
Ralbicy	21.30 ró	6.30 s; 8.30 s 14.00 ny/s - nic w juliju a awgusće 21.30 ró
Róžant		9.00 s; 10.30 n; 17.00 ny/s
Rakecy		10.30 n
Wotrow		9.00 s; 14.00 ny/s nic w jul./awg.

Legenda: ł = lačonsce; n = němsce; p = pólsce; s = serbsce; ny = nyšpor; ró = róžowc;
1.: (2.:) = přerjha (druha) njedźela resp. sobota w měsacu. Změny su móžne.